

元和縣志卷之二十六

流寓

四方人士往來於吳者多矣然非其人不傳卽行誼可述而或舟車信宿非游習於斯瘞埋於斯者不與焉今自澹臺滅明以下若干人合爲一編使後有可考他如東方朔之在吳爲書師蔡邕之避怨於吳未詳其地不知所屬而梁鴻之依臯伯通廡下地爲吳縣無庸概入志中懼淆也志流寓

元和縣志

卷二十六

流寓

一

周

澹臺滅明字子羽武城人孔子弟子南游至江從弟子三百人識取子去就名施乎諸侯孔子聞之曰吾以言取人失之宰子以貌取人失之子羽史記索隱曰今吳國東南有澹臺湖卽其遺跡所在也

漢

梅福字子真九江壽春人爲南昌尉去官數上言變事輒報罷時京兆尹王章忠直譏刺大將軍王鳳專政擅權爲所誅王氏寢盛災異數見福上書極

言章而折延爭孝元皇帝擢之以厲其臣陛下戮  
及妻子折直士之節結諫臣之舌天下以言爲戒  
最國家之大患也又言建始以來日食地震水災  
亡與比數陰盛陽微金鐵爲飛此何景也又言漢  
興以來社稷三危呂霍上官皆母后家也自霍光  
之賢不能爲子孫慮故權臣易世則危書曰毋若  
火始庸庸勢陵於君權隆於主然後防之亦亡及  
矣上不納後又上書封孔子之世以爲殷後先是  
匡衡建議爲王者存二王後所以尊先王而存三

元和縣志

卷二十六

流寓

二

統也上寢其議至福復言乃封孔子世爲殷紹嘉  
公元始中王莽專政福棄妻子至九江人傳以爲  
仙後人有見福于會稽變名姓爲吳市門卒

吳地紀云

門爲蛇門後其門  
墮塞地屬元和界

晉

王珣字元琳與謝元爲桓温掾温嘗謂謝掾年四十  
必擁旄杖節王掾當作黑頭公俱見敬重由主簿  
累遷輔國將軍吳國內史在郡爲士庶所悅徵爲  
尚書右僕射轉左復領太子詹事隆安初王國寶

用事謀黜舊臣遷珣尚書令王恭赴山陵欲殺國寶珣止之曰國寶雖終爲禍亂要罪逆未彰今先事而發必失朝野望况擁強兵竊發於京輦誰謂非逆國寶若遂不改惡布天下然後順時除之恭乃止旣謂珣曰比來視君一似胡廣珣曰王陵廷爭陳平慎默但問後終何如耳卒除國寶後加散騎常侍卒謚獻穆改贈司徒初珣因謝安與絕婚有釁及安薨哭之慟族兄獻之曰所望於法護法護珣小字也弟珉字季琰小字僧彌才名出珣右

時人語曰法護非不佳僧彌難爲兄辟主簿舉秀才不行後歷著作散騎郎黃門侍郎侍中代獻之爲長兼中書令時謂獻之爲大令珉爲小令年二十八卒珣在吳時居虎丘爲別業戴逵嘗與遊處珉買宅居岷山亦居虎丘之東山後珣兄弟俱舍別業爲寺

戴逵字安道譙國人愛會稽多名山嘗居剡下孝武時以散騎常侍國子博士累徵辭疾不就郡縣敦迫不已乃逃於吳內史王珣有別館在武邱山

達潛詣之與珣遊處號爲吳中高士會稽內史謝元慮遠遁不返請絕名命達復還剡時會稽謝敷澄靖寡欲入太平山十餘年名皆不就初月犯少微少微一名處士星占者以爲隱士當之達有美才人或憂之俄而敷死會稽人士以嘲吳人云吳中高士求死不死

戴顓字仲若與兄勃並受琴於父達桐廬縣多名山兄弟因留居止勃疾患醫藥不給顓欲干祿以濟養乃求海虞令事垂行而勃卒乃止後出居吳下

元和縣志

卷二十六

流寓

四

吳下士人共爲築室聚石引水植林開澗少時繁密有若自然三吳將守及郡內衣冠要其同遊野澤堪行便去不爲矯介衆以此多之宋元嘉中徵不就衡陽王義季鎮京口長史張邵迎顓止黃鶴山遂名戴公山寓吳時所居在唐爲司勳陸郎中宅後爲北禪寺

唐

皮日休字襲美一字逸少襄陽人性傲誕隱居鹿門自號間氣布衣咸通八年第進士崔璞守蘇辟軍

事判官入朝授太常博士嘗上書二通其一請以  
孟子爲學科有能通其義者其科選同明經其二  
請以韓愈配享太學謂有唐以來一人而已苟不  
得在二十一賢之數於典禮未備也俱從之黃巢  
陷長安僞署學士使爲識文疑其譏已遂及禍此  
新唐書云爾尹師魯志皮子良墓云曾祖日休當  
黃巢陷長安時依錢氏在浙無受僞官及遇害事  
明王文恪鏊謂宋子京喜采瑣事小說作史時竟  
以入正史理或然也日休寓吳與陸龜蒙所居臨

頓里相近往來唱和今其地稱皮市

羅隱字昭諫餘杭人本名橫十上不中第遂更名從  
事湖南淮潤無所合久之歸投錢鏐累官司勳郎  
朱全忠以諫議大夫名不行嘗勸鏐討全忠大義  
憤激鏐不能用年七十七卒隱中歲入吳與陸龜  
蒙遊結庵於甫里北隅今遺址尚存

宋

蘇順欽字子美潼川人易簡孫父耆工部郎中當天  
聖中文多病偶獨舜欽與穆修好爲古歌詩雜文

一時豪俊從之遊初以父任補太廟齋郎調滎陽尉時玉清昭應宮災上疏極陳得失景祐初舉進士改光祿寺主簿知長垣縣遷大理評事康定中地震言事尤切直慶歷四年范仲淹薦爲集賢校理監進奏院初舜欽娶杜衍女衍時與仲淹富弼在政府多引用聞人興起庶政御史王拱辰等不悅會進奏院祠神舜欽及右班殿直劉巽輒用鬻故紙公錢設樂會飲拱辰諷其屬魚周詢劾奏并欲搖動衍牽連仲淹舜欽巽坐除名同時飲酒者

得罪逐出拱辰喜曰吾一舉網盡之矣舜欽率妻子來吳作滄浪亭於吳越錢氏之南園扁舟載書葛巾野服逍遙於紅蕖綠浪間間爲歌詩以泄憤懣善草書酒酣淋漓從橫落筆爭爲人所愛慕後得湖州長史卒年四十一嘉祐初韓琦奏復原官所著滄浪集十五卷寓吳故居後名蘇家巷在南園之東

尹焯字彥明洛陽人洙孫年二十師事程伊川願應舉發策議誅元祐黨人焯曰尚可以求仕乎不對

而靖康元年朝廷辨忠邪名用才德之士懼焯不至以布衣名不至授以和靖處士明年金人陷洛闔門被害焯死復蘇竄於長安山中長安陷劉豫僭位以禮聘之逃去夜徒步渡渭置劉水谷中自商州奔蜀至閬紹興五年以崇政殿說書名力辭時有攻程氏者焯曰學程氏者焯也生事之二十年今又三十年矣請就斥朝廷耻之於是大臣顯言焯拒劉豫之節學問之正上又思見焯名之愈急迫上命布衣至行在所而病上賜金帛存問

慰勞須病愈受命病愈又辭上曰卿尚可辭耶朕渴卿久矣知卿從伊川俟卿講學不敢以有他遂就職又除秘書郎明年遷太常少卿權禮部侍郎除徽猷閣待制焯曰病不能朝矣而寵祿日至雖主上賢我我何功德當之辭不已遂奉外祠寓平江虎邱西庵時年七十矣又二年卒於紹興旅寓方爲從政說書每赴講先夕沐浴更衣陳所講書於案上朝服再拜齋於燕室謂必欲以所言感悟君父安得不敬臨没上遺表末云伏望皇帝陛下

益隆聖學廣被名賢惟祖宗爲陛下之規惟方策  
爲陛下之鑑洪惟我宋度越前朝惟子惟孫有典  
有則而況天方悔禍民獲小康益勤宵旰之憂必  
復國家之始云云沒謚曰肅準謚法因嚴教敬之  
義

魏了翁字華父邛州蒲江人少稱神童慶元五年進  
士名試學士院時韓侂胄謀開邊了翁力言其不  
可策出衆大驚御史徐枬劾之出知嘉定府侂胄  
誅收名諸賢會史彌遠當國不能用遷工部侍郎

元和縣志

卷二十六

流寓

人

旋與真德秀同罷御史梁成大謂真德秀真小人  
魏了翁僞君子此舉大快公論識者笑之紹定中  
直學士院在朝凡六月前後二十餘疏皆當時急  
務帝將引其政而忌者合謀排擯之言了翁知兵  
以同僉書樞密院事督視江淮京湖軍馬陛辭御  
書鶴山書院四大字賜之等名還固辭求去已而  
以浙東安撫使就醫平江嘗至甫里築別業於羅  
隱菴故址嘉熹初卒贈少師謚文靖所著鶴山文  
集九經要義又有周易集義周禮井田圖說等書



龔開字聖與淮陰人少負才氣宋季與陸秀夫善宋亡僑居吳之東城持節孤峻不肯泛愛嘗作文天祥及秀夫傳金華吳萊見之稱其序事中寓褒誅予奪得遷固之遺時高郵龔璠亦寓吳與開爲忘年友時比之漢兩龔

呂浩叟故宋臣至元十一年兵下江南出使軍前持節見張宏範抗詞不屈明年宋亡舊臣朝于京授浩叟淮東宣慰使賜金符玉帶以疾辭後寓虎邱構壽樂堂卒葬其地

元和縣志

卷二十六

流寓

九

元

柳貫字道傳浦江人官翰林待制國史院編修弱冠受業於仁山金履祥旣而從鄉先生方鳳粵謝翱諸前哲遊考秦漢以來文章變化磨礪講貫卒成名家至京師爲吳文正澄器賞程文憲鉅夫以墨一丸授之曰文章正印今屬子矣一時與黃潛吳萊聲名相埒宋濂戴良俱出其門年七十三卒私謚文肅寓吳時嘗居甫里書院有遷居甫里精舍詩并書院記

倪瓚字元鎮無錫人精有雲林堂蕭閒館清悶閣閣  
如方窗三層疏窓四眺遙巒遠浦雲霞變幻彈指  
萬狀閣中藏書數一卷手自勘定三代鼎彝名琴  
古玉羅列左右性好潔見俗士避去恐免盥頰易  
水樹石時加洗拭畫筆蕭疎簡遠稱其爲人詩亦  
如之至正初天下無事一旦舍去故業散給姻友  
人或笑之兵興富家多被禍瓚放舟五湖三泖間  
寓甫里與陸德原虞堪輩爲詩文交不罹於難人  
服其識明洪武七年始還鄉年七十四矣寓居鄒

元和縣志

卷二十六

流寓

十

氏沒吳人周南老志其墓曰元處士雲林先生

謝應芳字子蘭武進人幼講根柢學元至正時知天  
下將變隱白鶴溪構小室顏曰龜巢志退藏也郡  
辟爲鄉校師教弟子先質後文學者爭趨之舉三  
衢書院山長不就及天下兵起避地吳中或居吳  
淞江之甫里或居葑門之歙墅邨接其言論者謂  
謝子平平久之俱推讓爲不可及天下定仍歸毘  
陵年七十餘矣洪武初詔修元史梁寅汪克寬趙  
汭陳謨王彝高啟謝徵等皆以布衣見徵而應芳

以老病自晦免人益重之卒年九十七有辨惑編  
龜巢滴藁諸集

明

張觀字可觀嘉定人性好遊覽嘗以輕舟載卷軸往  
還吳越遇佳山水輒畫留數日甚兩三月不去筆  
墨所成或千巘萬壑或一角山或陂塘平遠皆入  
神詣雖宗夏珪馬遠及與盛懋吳仲圭遊而自得  
處皆天趣也徙居華亭轉之嘉禾既老僑居長洲  
之周莊修圃灌花以終

元和縣志

卷二十六

流寓

十一

王志堅字弱生更字淑士崑山人中萬歷三十八年  
進士旋卜居郡城之南園肆志讀書其法先經後  
史先史後子集讀經先注疏而後辨論讀史先証  
據而後發明讀子則謂唐以後無子當取說家之  
有裨經史者補之讀集則定秦漢以後文爲五編  
考覈碑志援詩傳摺雜說以叅訂之少歲同嘉定  
李流芳作詩卷帙甚富後刪存七十餘首持論不  
苟然也通籍後授南兵部車駕主事歷郎中選貴  
州從學僉事乞養不起天啟初起督浙江驛傳奔

母喪歸崇禎四年督湖廣學政禮部推爲學政第一  
一凡二年卒於官

劉永錫字欽爾號剩庵魏縣人中崇禎丙子鄉試選  
長洲學教諭署崇明縣事庭無留獄未幾遭鼎革  
隱居相城有大吏造其室欲強之出永錫袒裼疾  
視曰我中州男子年二十渡漳河登大伍躍馬鳴  
鞘兩河豪傑誰不知我乃以此相逼將謂我畏死  
邪取壁上挂劍欲自剄門人抱持之得解尋移居  
陽城河之濱妻栗氏子臨女貞織席以食食不繼

時不舉火有遺之粟者非其人不受時隱君沈得  
輿欽圻亦來陽城定世外交嘗登高邱弔落日相  
與歌泣永錫曰茫茫宇宙中路知己迺在沈君後  
沈歸故里求同志士不得益困憊有老奴從魏縣  
來勸之歸曰室廬故在也曰我非不欲歸奉君命  
來此義不可歸命其子同老奴歸謂祖宗邱墓責  
在汝麾之去時歲荒得食愈艱每襍糠粃作飯妻  
病不能下咽竟餓死女許字同邑某氏子某氏宦  
於粵音問阻絕恐以衣食累其父自經死前此其

子同老奴歸傷於盜墜車折臂死永錫旣無家買  
一破船往來江湖間嘗泛舟中流鼓柁而歌曰白  
日墮兮野荒荒逐鳧鴈兮侶牛羊壯士何心兮歸  
故鄉風水蕩激歌聲甚道聞者哀之後幾年訖窮  
餓死弟子徐晟陳三鳧友人陸泓葬永錫於虎邱  
之山塘

姜埰字如農萊陽人崇禎辛未進士初除密雲縣令  
改儀真有聲入爲禮部主事選授禮科給事中時  
思陵求治甚殷寇氛猖熾而宰臣宜興周延儒首

元和縣志

卷二十六

流寓

三

鼠兩端陰重不泄埰欲爲折檻久矣會行人司副  
熊開元名對德政殿語侵大臣時宜興在側上命  
草疏入及疏入而上怒不可回遂逮開元命杖一  
百埰於是劾宜興力辨開元無罪有云大臣不言  
則小臣言之皇上何所見而偏徇若是語過激并  
杖埰下錦衣衛獄幾死時埰弟垓方官行人因微  
服匍匐事其兄周旋橐餽不去方獄急時而萊陽  
寇陷埰父馮里以下闔門死難者數十人垓席藁  
闕門願以身代埰歸辦喪事上爲惻然乃削埰籍

成宣城甲申後採放流吳市往來宣城間臨死謂其子曰敬亭吾戍所也戍者吾君所命吾未聞後命而君亡吾請罪人也死必埋我戍所年七十卒葬宣城私謚貞毅先生立祠虎邱劍池之側子安節實節安節歸宣城守墓而實節留吳守祠安節字勉中有篤行實節字學在工詩畫師雲林晚寓虎邱生前預立墓石題曰萊陽姜仲子之墓論者或稱其達或以爲未忘後世名卽杜預沉碑意云姜垓字如須給事塚之弟中崇禎庚辰進士出詹事

徐公沂門除行人初入署見題名碑有逆臣阮大鍼崔呈秀姓名曰奈何與衆正同列特疏請碎其額重書勒石思陵允之已而給事以直言得罪上命錦衣逮治詔獄垓急難奔走出入園扉無稍間及受杖午門給事負痛氣絕垓口含溺喂之始再甦日夜營護調治醫藥得不死及給事遣戍宣城南都再建而權奸構黨阮大鍼輩方修舊怨必欲殺垓而後快於是垓從吳門變名姓匿跡台宕間始免久之復來吳著有篋蓄集識者比於西臺之

慟哭澤畔之行吟年四十卒葬西山之竺塢與給  
事塚同祀虎邱學者稱萊陽二姜先生云子寓節  
字奉世綽有門風

黃周星字九烟金陵人少育於楚湘周氏亦爲楚人  
崇禎十三年進士又三年授計部主事明年夏以  
國變棄家流寓吳越間在吳寓陽城湖濱後更名  
人更字畧似號半非晚又號笑蒼道人生平或笑  
或哭感觸無端過沈冥放廢之士執手悲歌聲激  
水涯嘗自言身多患難幼時遇醜毒不死丙子公

元和縣志

卷二十六

流寓

五

車出洞庭遇盜不死丁丑遭寒疾不汗發狂不死  
庚辰京邸獨寬亦不死丙戌避亂閩海復遇盜不  
死浮沉三十餘年年七十仰天嘆曰吾今不可以  
死乎與妻孥訣別慷慨飲醇酒盡數斗竟日夕不  
醒人以爲真死矣仍不死後泛舟浙東被髮長嘯  
自沉水死著述盈百卷今所傳者惟唐詩選驚天  
泣鬼怡人集

國朝

戴易字南枝一字巢南山陰人慕嚴子陵之風著有

三千六百鈞臺詩太白句廣張三千六百鈞義取諸此非專詠鈞臺也來吳中流寓虎邱與楊无咎善又因无咎與徐枋定交枋臨沒以書招无咎易偕至无咎爲撫其孤而易賣字爲枋營葬嘗冬日衣葛終日不再食奔走婁東晉陵間積連歲賣字金卒葬枋於真如塢時人義之後沒於虎邱所書八分不漢不唐應求之工拙之外

唐甄字鑄萬初名大陶蜀之成都人父偕泰崇禎丁丑進士官吳江令蜀中亂因家于官甄隨父至吳

元和縣志

卷二十六

流寓

六

好讀書兼理文書達治體亂後甄從間道歸省墳墓時故廬已燬而一二親故無有存者寓居高崖僧舍讀書其中值蜀秋試中丁酉舉人揀選山西長子縣令首先蠶桑導民樹桑八十萬本公廉有聲甫十月以逃人註誤去官復居吳甄非秦漢之書不讀嘗謂唐宋以來文章冗蔓不克舉秦火於天下當舉秦火於私家著書不襲古人一語得衡書上下篇共九十七篇志在權衡天下也後欲韜名匿迹更名潛書詩以唐人爲宗羈旅幽憂撫時



感慨蜀人費密寧都魏禧嘗稱之晚沉潛詩疏作詩義數十卷年七十五卒於葑門之東無子李仙根字子靜號南津蜀遂寧人父實崇禎癸未進士爲長洲縣令而仙根留蜀養母會張獻忠破蜀所至屠滅仙根乃奉母奔吳時父已去官隱吳淞仙根灌園操作負米以養

本朝平定蜀後乃歸省墓中鄉試辛丑成進士入對第二人除宏文院編修遷侍讀康熙七年安南王黎維禱擅兵奪部統使莫元清高平土地事聞

元清縣志

卷三十六

流寓

七

上命仙根持節往諭歸元清故土賜麟蟒服晉秩一品乘傳至安南維禱堅不奉詔而選其國中利口數十輩更番狡辨仙根義不辱命執其通使大臣付之吏反覆開諭宣布

天子威德安南人見仙根風裁峻厲詞旨嚴正震懾以爲天人遂俯首服卒返其侵地而還遷祭酒躋閣學會吳三桂叛

上以仙根文臣之知兵者命理餉駐荊州未幾召歸改副都御史時逆藩甫定無辜株連者甚衆仙根

力爲平反全活萬人尋陞戶部錢法侍郎歷三歲以望誤罷官歸戊辰入都留補光祿寺卿卒於官年七十

陳奕禧字子文海寧人工書法京朝士大夫多從學書者究心金石之學窮山僻徑殘碑斷碣偶有所見必剜剔苔蘚而出之以故藏皮甚富起家安邑丞入爲戶曹郎出守石阡石阡道遠乏行資乃留都下賣字一月得數千金以治裝至郡書天下第一廊樓六大字於署自爲之記時人賦詩記述者先和縣志

卷二十六

流寓

六

甚衆未幾以兄訛撫黔迴避歸流寓蘇州定慧寺前再起南安守卒於官

施何牧字贊虞號覺庵崇明人康熙乙丑進士官吏部考功郎壬午典貴州試得人最盛請急歸得明侍御顧巖叟之高酣亭遂家焉薜門蘿屋青苔滿壁素心友至談討典籍終日忘倦清風披拂如坐深山空林中外此聲勢交屏弗接也官於吳者欲識其面不易得張清恪公伯行撫吳同年及也終其任一二相見最後張與制府噶互劾大吏承

問者及部議俱倚據張欲治以罪

聖祖仁皇帝罪制府嘉張清節復其官時士大夫交口稱張榮遇牧獨曰受恩愈重報稱愈難察吏安民以荅

聖天子倚毗願公刻刻在心講明理學轉在後也時張斷斷分朱陸異同故云張益重之道遙林下幾三十年卒生平論詩必宗盛唐一語及宋詩者必斥之有前七子李何遺風所著有一山詩文稿及史肇明詩選等書

